

आकाशवाणी

1. प्रधानमंत्री नरेन्द्र मोदी होर एनडीए दे मुखमंत्रिं ते उपमुखमंत्रिं दी नमीं दिल्ली च बैठक दी अध्यक्षता कीती।
2. रेखा गुप्ता होर दिल्ली दी मुखमंत्री दा औहदा सांभियै बनिया बीजेपी दी दूई महिला मुखमंत्री। श्रीमती गुप्ता होरें विकसित दिल्ली बनाने दी सगंध चुक्की।
3. मुख आर्थिक सलाहकार डॉ. वी.अनंथा नागेश्वरनस हुंदे कार्यकाल गी 2 ब'रे आस्तै बधाइयै मार्च 2027 तोड़ी कीता गोआ।
4. ग्रीन शिपिंग कनक्लेव 2025 पोवाई मुंबई च शुरू होआ।
5. बीएसएफ-बीजीबी सम्मेलन दिल्ली च संपन्न, बन्ने पर सुरक्षा ते घुसपैठ पर मता ध्यान देने दी लोड़ जताई गई।
6. लोकसभा च बजट इजलास दे पैहले चरण दी कार्यवाही अज्ज संपन्न होई गई ते हून सदन दी अगली बैठक 10 मार्च गी होग।

<><><><><><>

PM NDA

प्रधानमंत्री नरेन्द्र मोदी होर एनडीए दे मुखमंत्रिं ते उपमुखमंत्रिं कन्नै नमीं दिल्ली च इक बैठक लाई। केन्द्री मंत्री अमित शाह, राजनाथ सिंह ते जे.पी.नड्डा होर बैठक च मजूद हे। महाराष्ट्र दे मुखमंत्री देवेन्द्र फडणवीस ते उपमुखमंत्री एकनाथ शिंदे ते अजीत पवार, आंध्रप्रदेश दे मुखमंत्री चन्द्रबाबू नायडू ते उपमुखमंत्री पवन कल्याण, ओडिशा दे मुखमंत्री मोहन चरण माझी, मध्यप्रदेश दे मुखमंत्री मोहन यादव, राजस्थान दे मुखमंत्री भजन लाल शर्मा, दिल्ली दी मुखमंत्री रेखा गुप्ता, उत्तर प्रदेश दे उपमुखमंत्री केशव प्रसाद मोर्या, बिहार दे उपमुखमंत्री विजय सिन्हा हारें बैठक च शिरकत कीती।

<><><><><><>

Delhi CM

दिल्ली दियां मुखमंत्री रेखा गुप्ता होरें अज्ज दिल्ली सचिवालय च अपना पदभार सांभेआ। मुख सचिव धर्मेन्द्र कुमार ते दुए वरिष्ठ अधिकारिं मुखमंत्री हुंदा सुआगत कीता। मीडिया कन्नै गल्ल करदे होई रेखा गुप्ता होरें आखेआ जे दिल्ली सरकार विकसित दिल्ली मिशन बक्खी लगातार कम्म करदी रौहग।

<><><><><><>

Delhi New CM

भारतीय जनता पार्टी दी पैहली बारी दी विधायक रेखा गुप्ता होरें अज्ज दिल्ली दे रामलीला मैदान च दिल्ली दी मुखमंत्री दे तौर पर सगंध लेती। दिल्ली दे उपराज्यपाल विनय कुमार सक्सेना होरें उनें गी औहदे ते राजदारी दी सगंध दोआई। मुखमंत्री हुन्दे कन्नै 6 कैबिनेट मंत्रिये-प्रवेश साहिब सिंह, आशीष सूद, मनजिंदर सिंह सिरसा, रवींद्र इंद्राज सिंह, कपिल मिश्रा ते पंकज कुमार सिंह होरें बी सगंध लेती। प्रधानमंत्री नरेन्द्र मोदी, केन्द्रीय गृह मंत्री अमित शाह, रक्षा मंत्री राजनाथ सिंह ते केई केन्द्रीय मंत्री इस अवसर पर मौजूद हे। केई राज्य दे मुखमंत्रियें ते उपमुखमंत्रियें बी समारोह च शिरकत कीती। भाजपा दी सुषमा स्वराज, कांग्रेस दी शीला दीक्षित ते आम आदमी पार्टी दी आतिशी हुन्दे मगरा श्रीमती रेखा गुप्ता, दिल्ली दी चौथी ते भाजपा दी दूई महिला मुखमंत्री बनी गेईयां न। प्रधानमंत्री नरेन्द्र मोदी होरें रेखा गुप्ता होरें गी दिल्ली दी मुखमंत्री दे तौर पर सगंध लेने पर बधाई दिती। सोशल मीडिया पोस्ट च श्री मोदी होरें आखेआ जे ओह जमीनी स्तर सोयां आईयां न। श्रीमती गुप्ता, कैपस राजनीति, राज्य संगठन, नगर निगम प्रशासन च भी सक्रिय रेईयां न। प्रधानमंत्री होरें विश्वास जाहिर कीता जे रेखा गुप्ता दिल्ली दे विकास आस्तै पूरी ताकत कन्नै कम्म करडन।

<><><><><><>

Mahakumbh

प्रयागराज च चला'रदा महाकुंभ मेला सिर्फ इक आध्यात्मिक किट्ट नेई ऐ सगुआं साफ सफाई ते पर्यावरण संरक्षण आस्तै इक बड्डे पैमाने पर इस दरान कम्म कीता जा'रदा ऐ। मेले च नमामी गंगे पवेलियन गंगा दी साफ सफाई ते बचाने दी महत्वता बारे जागरूकता फैलाने आस्तै इक अनूठा जरिया बनी चुके दा ऐ। साढ़े संवाददाता नै दस्सेआ जे प्रयागराज च भव्य आयोजन दे दरान नमामी गंगे मिशन नै गंदे पानी गी साफ करियै इस्तेमाल लायक बनाने आस्तै 10 प्लांट शुरू कराए तां जे गंगा दी पवित्रता बश्कार रखी जाई सकै।

<><><><><><>

Chief Economic Advisor

मुख्य आर्थिक सलाहकार वी.अनंथा नागेश्वरन हुंदे सेवाकाल गी 2 ब8रे आस्तै बधांदे होई मार्च 2027 तोड़ी करी दिक्ता गेआ ऐ। वित्त मंत्रालय ने इस सिलसिले च इक आदेश जारी कीता ऐ। श्री वी.अनंथा नागेश्वरन होरें मुख्य आर्थिक सलाहकार दा औहदा जनवरी 2022 थमां सांभे दा ऐ।

<><><><><><>

Mumbai Conclave

ग्रीन शिपिंग कनक्लेव 2025 दा शुभारंभ अज्ज मुंबई दे पोववाई च कीता गेआ। पत्तन पोत परिवहन ते जलमार्ग दे केन्द्री राज्य मंत्री शांतनु ठाकुर ते आईएमडी दे महासचिव होरें इस कार्यक्रम च शिरकत कीती। आकाशवाणी कन्नै गल्लबात करदे होई ठाकुर होरें आखेआ जे ग्रीन शिपिंग कनक्लेव भारत दी बड़ी बड्डी शुरूआत ऐ। पूरी दुनिया च कार्बन उत्सर्जन च बाददा होआ'रदा ऐ ते एह्दे शा बचने आस्तै सारे गी कदम चुकने दी लोड़ ऐ। आईएमडी दे महायचिव अरसेनियो होरें आखेआ जे इस सरबंधे च युवा पीढ़ी थमां मतियां मेदां न।

<><><><><><>

Jaishankar South Africa

विदेशी मामले दे मंत्री डॉ. एस.जयशंकर होर दक्खन अफ्रीका दे जोहनसबर्ग जी-20 विदेश मंत्रिण दी बैठक च हिस्सा लैने आस्तै पुज्जी गे न। उंदा इस बैठक च शिरकत करना भारत दे रिश्ते, जी-20 मुख् कन्नै गूड़े वैश्विक दक्खन दी आवाज बुलंद करोग। विदेश मंत्रिण दी बैठक दे अलावा डॉ. जयशंकर होर ब्राजील दे विदेश मंत्री माउरो बीएरा हुंदे कन्नै बी मिले। इक सोशल मीडियो पोस्ट च डॉ. जयशंकर होरें आखेआ जे उनें ते ब्राजील दे विदेश मंत्री होरें दपक्खी मुद्दें ते वैश्विक विकास पर चर्चा कीती। डॉ. जयशंकर होरें सिंगापुर दे विदेश मंत्री विवियन बालाकृष्णन हुंदे कन्नै बी मलाटी कीती। उनें दस्सेआ जे मलाटी च दपक्खी तालेमल गी होर मजबूत करने सरबंधी चर्चा होई।

<><><><><><>

NCD

केन्द्र नै अज्ज इक व्यक्ति थमां दुए तोड़ी नेई फैलने आली बमारिण दी जांच आस्तै इक मुहिम तेजी कन्नै शुरू कीती तां जे 30 ब'रे ते ओह्दे शा मते उमरी दे सारे लोकें दी जांच होई सकै। केन्द्री सेहत मंत्रालय नै आखेआ जे इस पैहल दा मकसद इस चाल्ली दी बमारिण जियां डायबीटिज़, बी.पी ते त्रै आम कैंसर मुंह उस, छाजी दा ते गर्भाशप ग्रीवा दे कैंसर आस्तै जांच करना ऐ। साढ़े संवाददाता नै दस्सेआ जे इस मुहिम कन्नै ना फैलने आली बमारिण दा तौले पता लाइयै इलाज पक्का कीता जाग।

<><><><><><>श

COAS-JK Situation

सेना प्रमुख उपेंद्र द्विवेदी होरें आखेआ ऐ जे 2014 कोला लेइयै भारत पाकिस्तान कन्नै नियंत्रण रेखा बारै साफ स्पष्ट तौरा पर गल्ल करदा आवा'रदा ऐ ते बन्ने पारा कुसै बी चाल्ली दी शरारत दा पूरी तगड़ेयाई कन्नै बनकदा परता दिंदा ऐ। उनें आखेआ जे अगस्त 2019 च दफा 370 दे हट्टने दे बाद आतंकवादिऐं दी गिनतरी ते मकामी नौजवानें दे आतंकवाद च शामिल होने च खरी मती कमी आई ऐ ते लोकें दी अपनी पंछान गी लेइए बेजकीनी पूरी चाल्ली खत्म होई चुकी दी ऐ। इस समाचार एजेंसी कन्नै गल्ल करदे होई सेना प्रमुख होरें आखेआ जे 370 हटाए जाने दे बाद संगठन कोला बाहर रेइयै आतंकवादिऐं दी मदद करने आहले ओवर ग्राउंड वर्करें आहला मुद्दा बी हून खत्म होई चुके दा ऐ। उनें आखेआ जे सुरक्षाबलें दे सांझे जत्तें दी बदौलत कश्मीर गी आतंकवाद कोला सैलसफा आहली बक्खी नमीं दिशा देई दिती गेदी ऐ।

<><><><><><>

Badhaal-Quarantime

राजौरी जिले दा बडाल ग्रांS जित्थे पिछले दिसंबर ते जनवरी म्हीने दौरान कुसै अंजान बमारी कारण 17 लोकें दी मौत होई गई ही ते मगरा ग्रांS खाली कराइए लोकें गी दुई थाहरें लेजाया गेदा हा, उत्थे 13 लोकें दा खीरी जत्था बी कल ग्रांS परतोई आया ऐ। लोकें दी मौत दी अस्सल वजह अजें बी पता नेई लग्गी सकी ऐ, पर माहिरें दा एह मनना ऐ जे उंदे खाने-पीने च दमनतवजबपद जानी इक किस्मै दा जैहर एहदी वजह होई सकदा ऐ। ग्रांS खाली करियै होरनें थाहरें रक्खे गेदे सभनें 395 बसनीकें गी वापस अपने घरें भेजी दिता गेदा ऐ।

<><><><><><>

BSF

सीमा सुरक्षा बल ते सीमा गार्ड बंगलादेश बश्कार 55मां महानिदेशक स्तर दा सीमा संबयन्क सम्मेलन अज्ज नमीं दिल्ली च संपन्न होआ। इस सम्मेलन दरान सीमा पार थमां घुसपैठ, सीमा पार थमां जुर्म, बन्ने दी तारबंदी, तस्करी जनेह् मुद्दें पर दोने देशें बश्कार तफसीली चर्चा कीती गई। इस चर्चा च बीएसएफ दे डीजी दलजीत सिंह चौधरी ते सीमा गार्ड बंगलादेश दे डीजी मेजी जनरल मोहम्मद अशराफूजमन सिद्दीकी शामिल होए। इस सम्मेलन च दवै धड़ें मनुक्खी ते इंसानी हकूकें गी उप्पर रखदे होई बन्ने पर हिंसा गी थमने आस्तै किट्ठे रलियै जतन करने पर सैह्मति जताई। मीडिया गी जानकारी दिंदे होई दवै महानिदेशकें घोषणा कीती जे दोनै देशें बश्कार सैह्मति बनी गई ऐ जे ओ बीएसएफ कर्मिएं पर बंगलादेश आधारित बन्ने पार थमां शरारती तत्वे तरफा हमले दी वारदातें गी घट्ट करने आस्तै रलियै कम्म करगंन।

<><><><><><>

PM-Internship Scheme

प्रधानमंत्री इंटरशिप स्कीम तैह्त्त इक बारी परतियै आवेदन मंगे गेदे न। पैह्ले राउंड च 6 लक्ख शा मते देश दी बड्डी बड्डी कंपनिएं च इंटरशिप करने दे 1 लक्ख मौके दित्ते जा'रदे न। नियमित मामले दे मंत्रालय नै आखेआ जे 3 सौ शा मती कंपनियां जेड़ियां गै तेल, गैस, ऊर्जा, बैंकिंग ते आर्थिक सेवां, यात्रा ते मेहमानवाजी जनेह् क्षेत्र च स्थापत न, देश दे नौजवानें गी रोजगार च इजाफा करने आस्तै एह मौके उपलब्ध करा'रदियां न। दुए गेड़ च हर आवदेक त्रै इंटरशिपें आस्तै आवेदन करी सकदा ऐ। प्रधानमंत्री इंटरशिप स्कीम गी देश दे नौजवान तबकें गी 12 म्हीने दी बड्डी कंपनिएं च इंटरशिप उपलब्ध करोआने आस्तै तैआर कीता गेआ ऐ जेह्दे च पैसे बी दित्ते जंदे न।

<><><><><><>

Railway

रेल इंडिया टैकनीकल एंड इकनामिक्स सर्विस लिमिटेड गी नमीं दिल्ली आनंद बिहार, गाजियाबाद, वाराणसी ते अयोध्या रेलवे स्टेशनें पर यात्रिएं लेई स्थाई होल्लिंग एरिया तैआर करने दा कम्म सौंपेआ गेआ ऐ। रेल मंत्रालय दे मताबक मॉडल तैआर होई जाने दे बाद इसी मते यात्रिएं आले 60 रेलवे जंक्शनें तोड़ी विस्तार कीता जाग। इसी अमृत स्टेशन पुर्नविकास कार्यक्रम दे कन्नै जोड़ेआ जाग। एह फैसला रेल मंत्री अश्विनी

वैष्णव आस्सेआ आरआईटीईएस अधिकारिएं कन्नै कल होई दी बैठक दे बाद लैता गोआ ऐ। रेलवे नै ध्यारें दरान भारी भीड़ गी प्रबंधत करने लेई देश भर दे 60 रेलवे स्टेशनें पर स्थाई होल्डिंग एरिया स्थापत करने दा फैसला लैता ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 बरें दे बश्कार ऐ ते ओह् कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा ऐ। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

PM Soul Conclave

प्रधानमंत्री नरेंद्र मोदी होर कल यानि 21 फरवरी गी नमी दिल्ली दे भारत मंडपम च SOUL लीडरशिप कॉन्क्लेव दे पैहले संस्करण दा उद्घाटन करडन। भूटान दे प्रधानमंत्री दाशो शेरींग तोबगे मुख् परौहने दे तौर पर मुख् भाषण देडन। दो दिन दा SOUL लीडरशिप कॉन्क्लेव इक प्रमुख मंच दे तौर पर कम्म करौग, जित्थे राजनीति, खेड, कला ते मीडिया, आध्यात्मिक दुनिया, सार्वजनिक नीति, व्यवसाय ते सामाजिक क्षेत्र जनेह् बक्ख-बक्ख क्षेत्रें दे नेता अपनी प्रेरक जीवन यात्राएं दे तजुर्बे सांझे करडन। एहदे नै उंदिएं कामयाबिएं, उपलब्धिएं, नाकामिएं-गलतिएं सोयां सिक्खने दा मौका थ्होग ते कन्नै युवा दर्शकें गी प्रेरणा मिलौग।

<><><><><><>

Delhi Assembly

बीजेपी नेता ते रोहिणी थमां विधायक विजेन्द्र गुप्ता होर दिल्ली विधानसभा दे स्पीकर दे रूपै च सगंध चुक्कगन। गुप्ता होरें रोहिणी थमां आम आदमी पार्टी दे प्रदीप मिततल होरें गी 37 ज्हार थमां मते वोटें कन्नै हराइयें जित्त हासल कीती ऐ। संवाददाताएं कन्नै गल्लबात करदे होई गुप्ता होरें स्पीकर दी जिम्मेदारी देने आस्तै पार्टी दा धन्नबाद कीता ऐ। उनें आखेआ जे ओह् अपनी जिम्मेदारी पूरी चाल्ली निभागन ते मेद कीती जे विधानसभा च सकारात्मक चर्चा होंगन।

<><><><><><>

Swarbica

केन्द्री संस्कृति मंत्री गजेन्द्र सिंह शेखावत होरें अंतर्राष्ट्रीय अभिलेखागार परिषद दी दक्खन ते पच्छिम एशियाई क्षेत्रीय ब्रांच स्वरबीका दी बैठक दा नमी दिल्ली च शुभारंभ कीता। किटुठ गी संबोधत करदे होई शेखावत होरें आखेआ जे एह् स्वरबिका दी दूई बैठक ऐ जेह्डी भारत च होआरदी ऐ। उनें बैठक च हिस्सा लैने आले देशें गी धरोहर ते जानकारी गी अभिलेखागार यानि आर्चिवस जरियै इक-2 रोजा बैठक च सांझा करन। मंत्री होरें जोर देइयै आखेआ जे सरकार अभिलेखागार दे डिजीटिकरण बक्खी कम्म करा'रदी ऐ। स्वरबिका दे सदस्यें च श्रीलंका, बंगलादेश, नेपाल, भूटान सनें दुए देश शामिल न।

<><><><><><>